



09132

古墨齋金石跋

卷四

琴士趙紹祖輯

男國楨校



唐比邱尼法琬碑 沙門承遠撰 劉欽旦正書

景龍三年五月 文刻金石文鈔

法琬曾祖鄭王亮景皇帝之子高祖子元懿亦封  
鄭王故以大小鄭王房別之此所謂大鄭王也祖  
襄邑王神符淮南靖王神通之弟唐書有傳父懋  
德初封郡王貞觀初以封德彝之言例降爵爲臨  
川郡公案宗室世系表稱其官爲刑部尚書傳云  
少府監碑云少府監宗正卿兵部尚書是史畧也  
碑稱永徽六年襄邑王薨奉爲亡父捨所愛之女  
請度出家孝慈兩失懋德之謂矣

唐長安縣丞蕭思亮墓誌銘 顏惟貞撰 正書無

姓名 景雲二年二月 文刻金石文鈔

文叙蕭思亮光胄有曰遠則文終翼漢 侔乎二

八近則武皇祚梁業光乎三五王仲寶褚彥回碑

宏二八之高模注以爲八元八愷文蓋用此至業

光乎三五倣班固事勤乎三五句也秦漢以降世風不古人臣之頌其君者動曰上減五下登三固時事之不容不爾今以唐人而追言梁武乃亦作此等語真是隨手牽扯用慣不覺也梁武有知應愧謝吾子之過譽矣

唐景龍觀鐘銘

睿宗御製并正書

景雲二年九月

月

文刻金石文鈔

睿宗書之可見者順陵碑僅存數段而此銘幸全觀其體兼篆隸方整之中時露古意可愛也竇泉述書賦云睿宗垂文規模尚古飛五雲而在天運三光以窺戶其言非虛譽矣

唐田義起石浮圖頌

王利貞撰

正書無姓名

太極元年四月

文刻金石續鈔

其文有曰孝乎惟孝知唐人句讀未改漢舊也頌文鄙俚而前有富潤石室貨積銅山之言後題名有弟燕州大雲寺僧智崇妹明度寺尼護念其富如此而弟妹並捨去入空門按舊姚崇傳云中宗時公主外戚皆奏請度人爲僧尼亦有出私財造

寺者富戶強丁皆經營避役遠近充滿又辛替否  
疏云當今出財依勢避役姦訛者盡度爲沙門觀  
此碑知其非虛語也

唐涼公契苾明碑 婁師德撰 殷元祚正書先天

元年十一月 文刻金石續鈔

趙子函謂碑立于先天而仍稱大周革命仍用武  
氏製字爲不可曉顧亭林亦云先天元年十二月  
乃元宗授禪之後而碑猶用武氏字不知碑實作  
且書於萬歲通天之年至先天而始立之者也按

金石跋

卷四

三

此碑爲婁師德製文師德歿于聖曆二年在武后  
時得不稱大周革命乎又碑末一行記立碑年月  
字差小並不用武氏製字而文中稱涼國公聳後  
言涼國公嵩立是立碑時聳已卒而嵩襲封其非  
一時之事明矣新舊唐書何力傳皆云父葛而明  
此碑乃云祖繼 舊唐書父葛繼爲莫賀咄  
特勤然碑不應不書名 新書但  
言明子聳襲爵而碑有次子嵩又有子崇皆賴以  
傳者也

端木星垣曰碑于何力旣書名則上兩世自應書

名但舊書何力傳祇載其父葛而不載其祖新書  
雖稱鉄勒哥論易勿施莫賀可汗之孫而哥論易  
勿施以文勢當是可汗稱號固未正言其祖名哥  
論易勿施也是碑於明之曾祖及祖兩世名皆缺  
其曰祖繼者卽舊書繼爲莫賀咄特勒之繼較史  
少一爲字耳恐非卽以繼當其祖名也又葛與哥  
論之哥音相近恐亦蕃號中字將無何力少孤入  
唐後譯音不審並葛亦非卽其父名乎

唐祈雨周公祠碑

賈正義撰

正書無姓名

開

金石跋

卷四

四

元二年十二月

文刻金石文鈔

此河南尹李傑等因開元二年之旱禱於公廟既  
雨而爲此頌也碑無書者姓名而正書適健有力  
唐碑之至佳者碑云公字朝明余未之前聞此疑  
好奇者之過也李傑本名務光新舊書皆有傳又  
舊書劉晏傳載晏遺元載書云到河陰鞏洛見宇  
文愷置梁公堰分黃河水入通濟渠大夫李傑新  
堤餽像河廟儼然如生是傑誠能留心于民事者

唐將作監主簿孟友直女墓誌

正書

開元三年

四月

序云女十一娘字心河間人也年十九適馮貞祐誌不繫其夫姓者女卒于父之廨舍而父母爲葬之也然溺于愛而昧於義矣

唐雋州都督姚懿碑 胡皓撰 徐嶠之正書 開

元三年十月 文刻金石續鈔

舊書姚崇父名善懿新書名懿字善懿惟宰相世系表名懿字善意與碑合當爲是懿葬于硤石而崇別葬其母劉氏於萬安山述遺令曰昔邴根矩

金石跋

卷四

五

沐德信咸以同窆爲非實獲我心當從其議余按昌黎公李道古墓誌銘云其葬用古今禮以元配韋氏夫人祔而葬次配崔氏夫人于其域異墓意唐制繼娶不得同穴懿先娶張氏又娶李氏後娶劉氏崇故述遺令以狃其不得合葬之迹耳不然合葬于防我夫子行之崇不於是法而焉法耶

唐法藏禪師塔銘 田休光撰 正書無姓名 開

元四年五月 文刻金石文鈔

文言禪師于永徽中勅爲濮王度所謂天孫利益

禪門得人按史魏王泰以傾太子承乾事降王東萊尋改王順陽貞觀廿一年進王濮高宗卽位詔泰開府置僚屬車服膳羞異等薨年三十五子欣嗣王此言爲濮王度而云天孫利益當是爲嗣王欣度也碑正書頗雅倩但小弱耳

唐宗聖觀主尹文操碑

員半干撰

八分書無姓

名

開元五年

文刻金石文鈔

此碑序旣牽強文尤俗鄙半千命名謂應五百之期雖不知量然文義亦當不至是竊疑爲道流之

金石跋

卷四

六

所假託又篇中每有承接不明意義不貫者意碑當大德翻刻時已多殘闕或爲聶志眞所補綴而成之也按唐書方技傳文操無名舊書高宗本紀上元三年四月戊午幸九成宮秋七月彗起東井指北河漸東長三丈掃中台指文昌宮凡五十八日方滅永淳二年復行封中岳禮上疾而止篇中所述頗多誕妄而此二事却與史合

唐兗州都督于知微碑

姚崇撰

正書無姓名

開元七年六月

宰相世系表志寧在宣敏下云以宣道子繼知微碑則仍書曾祖宣道也知微唐書無傳碑記其官甚詳而爲岐山縣令累除蒲晉潤三州長史授絳州刺史皆有惠政

唐曲阜縣修孔子廟碑

李邕撰

張庭珪八分書

開元七年十月

文刻金石續鈔

舊書開元三年擢邕爲戶部郎中邕素與黃門侍郎張廷珪善時姜皎用事與廷珪謀引邕爲憲官事洩姚崇嫉邕險躁左遷括州司馬後徵爲陳州刺史此碑立于開元七年繫銜使持節渝州諸軍事守渝州刺史是邕先爲渝州後爲陳州而史不載者闕也碑廷珪書廷字作庭今雅雨堂所刊金石錄目從史作廷以未見此碑故也

唐華嶽精享昭應之碑

咸廩撰

劉升八分書

李休光題額

開元八年

文刻金石文鈔

碑刊于後周華嶽頌之陰卽文所謂倬彼金石載刊其陰者也開元八年歲在庚申以旱命舊相蘓頌禱于華岳旣雨而祠以報之故爲此碑按史八

年三月免水旱州逋負卽其事矣咸廩之文頗爲簡古劉升分書亦差有漢意是唐碑中之最佳者後有一行題崔漢衡官銜姓名末又有四言四句爲興元元年華陰縣令盧做書不知漢衡自題名而詩爲做所作與抑漢衡爲詩而做書之也按漢衡貞元三年以兵部尚書爲會盟副使平涼劫盟見執吐蕃或興元元年已爲此官不可知蓋上距開元八年六十五年矣

金石跋

卷四

八

此文咸廩作述祈雨事以美蘓頌而末云蘓公作頌孔頌其聲語殆未得吉甫作頌詩意

唐鎮軍大將軍吳文墓誌 僧大雅集王羲之行書

開元九年十月

俗名半截碑中有云惟大將軍吳公諱文故知爲文誌也文宦寺而有妻李氏其顧命願不合於雙棺則其幽閉之恨深而死無所諱也碑集右軍書雖形模具而精神亡矣

唐易州李文安造石浮圖銘 梁高望行書 開元

十年四月 文刻金石續鈔

此易州新安府折衝都尉李文安爲亡妻薛氏造石浮圖銘也碑無撰人姓名書者爲前遂城縣書助教梁高望按新唐書地理志易州有府九新安其一也舊唐書職官志自京畿以及中下諸縣皆有助教一人助教而加書字或者其所職與

唐御史臺精舍碑銘 崔湜撰 梁昇卿八分書

開元十一年 文刻金石文鈔

碑前題云中書令崔湜任殿中侍御史日纂文後云開元十一年殿中侍御史梁昇卿追書湜此文

金石跋

卷四

九

作于長安初至開元時已得罪死而猶追書其文是其文必爲一時所重今按其辭不能據理道以導羣愚明政刑以怵罔法而乃云惟佛之國胡不歸命以自保胡不稽首以追災可謂陋哉而居然曰予忝文儒之林不可笑乎

御史臺精舍碑陰 刻金石文鈔

陰分侍御史殿中侍御監察御史三列首一人皆八分書後皆正書朱竹垞謂薛侃侃之名凡三見然其中尚有四見五見者不獨侃侃也按舊唐書

契丹列傳開元十八年可突于殺邵固降于突厥  
詔中書舍人裴寬給事中薛侃等分道募壯勇之  
士意者卽此人歟

唐京苑摠監茹守福墓誌銘 正書無書撰人姓名

開元十一年八月 文刻金石文鈔

碑無書撰人姓名而正書遒健有渤海筆意茹君  
卒于開元十一年六月八日辛丑碑不書其春秋  
而曰享年三百三甲子四旬有二日矣以厯推之  
茹君當是庚申日生年五十有一據左傳絳縣老  
人曰臣生之歲正月甲子朔蓋老人卽以是日生  
故曰四百有四十五甲子矣其季於今三之一也  
今茹君以庚申日生而曰三百三甲子用事已屬  
勉強而又曰四旬有二日尤爲不韻也

唐楚州淮陰縣娑羅樹碑 李邕撰并行書 開元

十一年十月 文刻金石文鈔

翻刻也碑繫銜云海州刺史李邕文并書當在邕  
爲陳州刺史前而新舊史皆不載

唐龍門山石龕記 行書 無年月

前似有御書字後有開元字而年已缺中間多記  
諸內侍之名其前則高力士楊思勗蓋造像之記  
也書多殘闕而存者特精彩異常

唐內侍高福墓誌銘 孫翌撰 行書無姓名 開

元十二年正月 文刻金石文鈔

力士本姓馮中人高延福養爲子故冒其姓史但  
云高延福碑云公名福字延福疑碑是也銘爲孫  
翌季良撰以力士之奢而爲其義父作墓誌乃云  
衣食所窘亦可謂不善措辭者矣

金石跋

卷四

十一

唐淨業法師靈塔銘 畢彥雄撰 正書無姓名

開元十二年六月

延和元年卽先天元年也是年五月辛巳改景雲  
爲延和八月甲辰改延和爲先天銘云延和元年  
身現微疾六月十五日告滅卽以其年十月十五  
日陪窆于神禾原大善導闍梨域內時十月巳改  
先天未爲明了也

唐楊將軍新莊像銘 正書 開元十二年十月

金石續鈔

文刻

此亦當爲楊思勗所造而攷其歲月似在花臺銘之前也按史楊思勗以開元十二年征五溪進輔國大將軍從封泰山進驃騎大將軍封虢國公封泰山在十三年攷此銘但題楊將軍而不云虢國公也但花臺銘不云驃騎而仍云輔國似史載思勗官亦有誤耳

唐涼國長公主碑

元宗御八分書

蘓頌撰

開

元十二年十一月

碑雖漫漶尚多可讀有曰公主諱光字花莊有曰

金石跋

卷四

十二

故丞相虞公太原溫彥博曾孫曦有曰開元十二年八月薨於京兆永嘉里有曰其年仲冬壬申陪葬于橋陵按公主傳云沔國公主字華莊始封仙源下嫁薛伯陽不言其嫁溫曦汲古閣本涼國乃誤作沔國至花莊作華莊碑無先封仙源嫁薛伯陽事而史已先載荆山公主下嫁薛伯陽則必有一誤也又宰相世系表曦是彥博元孫而碑爲曾孫皆當以碑爲是金石錄謂碑立于開元十二年八月蓋但見其薨之月而未攷其葬之月也

唐號國公楊花臺銘 申屠液撰 正書無姓名

無年月 文刻金石續鈔

此銘有序而無銘新莊像銘有銘而無序故或疑其本一事而分刻之然新葬像銘在開元十二年而思勗十三年從封泰山始封號國公此銘題云號國公楊自在新莊像銘後非一時事也

唐號國公楊思勗造像記 行書無書撰人姓名

開元闕年四月

碑殘闕存字不及半而有云則號國公楊思勗其

金石跋

卷四

十三

人也又有鑿石龜及菩薩各一等語知其爲造像記矣碑無書撰人姓名而行書特圓湛精彩唐碑無名于世者字尤妙絕以拓者少後人未鑿改故也

唐右武衛將軍乙速孤行儼碑 劉憲撰 白義暉

八分書 開元十三年二月 文刻金石文鈔

昭陵碑皆殘闕而此獨完好然諸碑類多名臣其功炳于史冊固無係于碑之存與不存而此乙速孤行儼者名不見于新舊史而碑適存焉天也雖

然名不登於史而碑復不存于世者抑又何限而  
余能無慨耶

甲午之春余寓秦淮客舍時婺源王經大

名元江綸

寧陳澹庵

名裕源

相與過從經大出此碑見示宋元

間舊搨也因以別本囑澹庵校而識之然余時猶  
未嘗有志于集錄不過適然之事而已丁酉再過  
白門則澹庵謝世庚子復往訪諸婺源之就省試  
者則經大又謝世矣數年之間知交零落卽是碑  
亦不知歸于何所每一迴憶不勝慨然

金石跋

卷四

十四

碑云公諱行儼字行儼人之有字或因其名而字  
之或別有取焉若名字相同不字可也而載于唐  
書不一其人若李神符郭敬之郭子儀李嗣業張  
嘉貞尚可孤白元光侯仲莊張孝忠魏少游戴休  
顏高崇文劉允濟孟浩然皆是焉其意何哉

唐鄖國長公主碑

張說撰

明皇御八分書

開

元十三年四月

按新書公主傳鄖國始封荆山下嫁薛徹又嫁鄭  
孝義碑不爲諱有云求之令族嬪于薛氏其後君

子晨歌天人晝哭未亡爲稱生意盡矣改降鄭氏  
均養七子麻廕二宗汾陰之室忘亡滎陽之黨相  
慶當時大手筆人作文如此可見唐時節義不明  
如此等事其相旣明載之其君又親書之而不以  
爲羞不有宋儒起而昌明其教則泯泯芴芴者將  
何所底止哉

唐紀太山銘

元宗御製并八分書

開元十四年

九月

文刻金石文鈔

嘉慶二年十二月二十九日吳子柳門以太山銘

金石跋

卷四

十五

寄示時逼歲除不能展觀三年正月九日風和日  
美淨掃庭宇與弟繩祖取而視之見其紙幅百裂  
顛倒錯亂因委之於地零星補續往來起伏何啻  
千數自辰至未審定再三文從字順始成全璧腰  
酸腿硬目花亂飛其樂自如也碑前後凡二十四  
行行五十一字字徑六寸而中多空格跳行之書  
闕者三十餘字非碑闕多紙裂耳其寔闕者不過  
十餘字趙子函石墨鐫華謂下三尺許爲搨工焚  
蝕遂闕百餘字者彼特得之傳聞實未嘗留心于

此碑也然非余兄弟之喜事而不憚勞亦烏足以知其言之非哉

元宗封泰山在開元十三年而銘刊于十四年銘文首云朕宅帝位十有四載者元宗卽位于先天元年至開元十三年爲十四載也時未改元爲載而曰載者文中偶一用之也

唐銀青光祿大夫陳憲墓誌銘

八分書

開元十

四年十一月

文刻金石文鈔

碑前半多闕其知爲陳姓者以有洎七葉有漢大

金石跋

卷四

十六

將軍棘蒲侯武之辭也憲不見于唐書而所著有中道通教二論注周易撰三傳通誌廿卷集內經藥類四卷合新舊本草十卷未有一載于藝文志者非得此碑憲其湮矣

唐薦福寺思恒律師誌文

常東名撰

正書無姓

名

開元十四年十二月

文刻金石文鈔

思恒一俗僧耳而中宗至爲圖像林光殿御製畫讚此可笑也舊唐書姚崇傳崇臨終遺書以誠子

孫有曰近日孝和皇帝發使贖生傾國造寺然則

事佛求福乃更得禍固非獨自昌黎發之矣碑無書者姓名而撰者姓常闕其名然序末有東名願託勝因之辭則其人名常東名也

唐道安禪師碑 宋僖撰并行書 開元十五年十月

碑斷裂殘闕不可讀宋僖書險急偏側開後來惡札法門絕無唐人端嚴遒勁之意

唐嵩岳少林寺碑 裴灌撰并行書 開元十六年

七月 文刻金薤琳琅

金石跋

卷四

十七

碑有云周武帝建德中納元嵩之說斷釋老之教率土伽藍咸從廢毀明皇帝繼明正位追崇景福大象中初復佛象及天尊象按後周書武帝本紀建德三年五月景子初斷佛道二教經像悉毀罷沙門道士並令還民并禁諸淫祠禮典所不載者盡除之宣帝本紀大象元年初復佛像及天尊像是其事也但碑以宣皇帝爲明皇帝不知何所依據

據

叔肖巖曰案周本紀宇文毓諡明皇帝不應稱贊

爲明以混其先贊之爲君與齊高洋隋楊廣等後  
之論者直舉其淫侈之號斥爲周天元耳碑稱爲  
明皇帝亦作文者狗釋氏之意以其復崇像教故  
以美名加之亦何依據之有

唐敬節法師塔銘 正書 開元十七年七月

銘有云學比特毛富如崑玉世俗以特毛爲喻學  
之多今按以富如崑玉相儷則上句當是言學之  
精微耳書者無姓名而正書特謹嚴有法

唐嶽麓寺碑 李邕撰并行書 開元十八年九月

金石跋

卷四

十八

余所得者裝潢本大約不甚殘闕而以失次不可  
讀詳其文意不過記寺立于晉太始歷梁陳隋以  
至唐並有施財之士修寺之僧而已殊瑣瑣不足  
道而北海所書碑則自兩雲麾外惟此尚有本來  
面目可寶也

唐代國長公主碑 鄭萬鈞撰并正書 開元二十

二年十二月

碑殘闕據金石錄爲駙馬鄭萬鈞撰并行書今按  
碑有曰蒙自奉朱顏卅餘載則其爲萬鈞撰無疑

但行書當爲正書耳公主史字華婉碑字花婉史  
睿宗十一女公主列在五碑云第四女皆當以碑  
爲是碑又云男二女四長子聰次子明新書旣爲  
公主立傳而皆不載何其畧也

又按新書孝友傳有鄭潛曜卽代國公主之子尚  
臨晉公主者也潛曜當是明之字而以字行臨晉  
公主傳誤作下嫁郭潛曜

唐大智禪師碑

嚴挺之撰

史惟則八分書并篆

額 開元廿四年九月

文刻金石文鈔

金石錄

卷四

十九

大智爲神秀之徒舊唐書有傳新書刪之最是碑  
文無足錄而史惟則分書不可棄也

唐嵩山會善寺景賢大師身塔石記

羊愉撰

沙

門溫古行書

開元廿五年八月

文刻金石文鈔

景賢爲大通之徒按舊唐書神秀傳卒謚大通禪

師弟子普寂義福並附傳後卽此碑所謂寂成福

藏者也初達摩西來衣钵相傳祇授一人及五世

而神秀惠能分爲南北宗神秀授徒又如此其衆

而南宗尤盛今之緇徒偏天下率一僧授徒數人

多者至數十人既爲生民之大蠹亦皆彼教之罪  
人其端皆自神秀慧能開之也碑書達摩作達磨  
唐碑中往往有之

唐三藏無畏不空法師塔記 正書無書撰人姓名

開元廿五年八月

此僞刻也其序事至爲誕妄而後又有辨西域僧  
呪傳奕事以爲好事者曲爲之說彼張大其教亦  
不足言而碑言刊之年月在開元廿五年其論傳  
奕事則曰嘗慨資治通鑑稱貞觀中云云不知開

金石跋

卷四

二十

元廿五年何以有資治通鑑也意此乃一不曉事  
俗僧之所僞爲而趙子函盛稱其文可觀不可笑  
耶又碑稱不空卒於開元廿三年而徐浩所書不  
空碑在建中二年去此四十七年矣而子函并而  
論之豈以此爲一人乎子函之紕繆如此曾何足  
以道古

唐錢唐縣丞殷府君夫人墓碑 顏真卿撰并正書

開元廿六年正月

碑四面書殘闕不可讀魯公自稱第十三姪男左

傳姪其從姑則此稱爲當姪又加男可不必也序  
首云君号闕定又云君有三子又云特蒙君教直  
稱女子爲君此金石又一例

唐立周蜀公尉遲迥碑 闕伯璵撰叙 顏真卿撰

銘 蔡有鄰八分書并陰 開元廿六年正月 此據金石

錄書之文刻金石續鈔

右唐張嘉祐爲周尉遲迥所立碑廣川書跋據以  
辨尚書故實之謬是矣然謂迥於魏之亡無愜于  
懷而於周則以興復爲任其事有疑是使迥不得

金石錄

卷四

二一

爲周之純臣也此則非是按史迥父侯兗本妻周  
太祖之姊迥之歷官于魏皆以從太祖征伐而得  
是其爲周之心膂而非魏亡國之臣明矣豈得責  
其不盡節于魏而盡節于周也碑云父侯兗尚太  
祖姊昌樂長公主史云大長公主周太祖未授禪  
當由孝閔以後之追尊耳碑立于後世本約畧之  
辭其歷官亦與史稍異皆當以史爲是

端木星垣曰迥爲周之純臣固已然其始不得謂  
非魏臣也其官雖從周太祖征伐而得然所得者

魏官非卽周官也若以昌樂而言迥尚金明獨非  
魏公主乎大抵魏晉以降大義不明錚錚者知徇  
私恩而已士大夫不免何有于武人况迥發憤于  
王謙司馬消難之先事亦獨烈是迥之於周以恩  
始實以義終君子善善從長固不欲追魏事耳非  
於魏遂可無憾也廣州並後事而疑之誠爲深文  
今乃並前事而護之又太用寬典矣

尉遲迥碑陰 迥元孫士良撰 蔡有鄰八分書

開元廿六年二月

金石跋

卷四

碑陰下段殘闕其上有額八分書獨全曰周大師  
蜀公碑陰記開元廿六年二月二十五日元孫士  
良述文叙迥死節之烈而并述張嘉祐德政百姓  
歌之之事

唐任城縣橋亭記 游芳撰 王子言八分書 王

日雲篆額 開元廿六年閏八月 文刻金石文鈔

開元十三年東封泰山蓋橋成於此時而因以其  
餘資建亭爲記也文爲游芳所篡詞意流麗王子  
言分書亦不惡亦唐碑之佳者

唐御註道德經 元宗御註 正書無姓名 開元

廿六年十月 其勅刻金石文鈔

此易州本也前有開元廿年勅中分道經德經爲  
上下而註之後有易州刺史田仁琬奉勅立并列  
別駕周憲高陽軍副史鄭景宣試司馬杜欽賢道  
士染虛心檢校上座解昇各末記奉勅建立之年  
月蓋勅下于廿年而碑立于廿六年也碑無書者  
姓名然以他碑證之知其爲蘓靈芝靈芝所書田  
公德政碑但作田琬而此碑曰仁琬與史所載名  
金石跋 卷四 二三

唐易州鐵像頌 王端撰 蘓靈芝書 開元廿七

年五月 文刻金石文鈔

碑後脩載盧君在易政績按史盧暉無傳新書地  
理志瀛洲下載開元廿五年刺史盧暉自東城平  
舒引滹沱東入淇漑田五百餘頃田仁琬德政碑  
開元廿四年爲易州刺史蓋暉遷瀛州而琬代之  
卽此碑所謂盧君遷于瀛田君至自靈者也又舊  
唐書元宗本紀開元廿八年魏州刺史盧暉開通

濟渠自石灰巢引流至州城而西却注魏橋是暉  
爲瀛州後又爲魏州而皆有善政合二史與此碑  
觀之亦可以不朽矣

唐易州刺史田琬德政碑 徐安貞撰 蘓靈芝書

開元廿八年十月 文刻金石文鈔

舊唐書高仙芝傳仙芝少隨父至安西事節度使  
田仁琬蓋嘉運未甚任用又曰小勃律爲吐蕃所  
招節度使田仁琬蓋嘉運夫蒙靈詔累討之不捷  
似仁琬爲安西都尉在蓋嘉運之前今按碑開元

金石跋

卷四

二四

廿七年琬朝京師廿八年遷安西都護而史廿七  
年蓋嘉運破突騎施之衆擒其王吐火仙送于京  
師廿八年蓋嘉運入獻捷上嘉其功以爲河西隴  
右節度使則是嘉運遷隴右仁琬始代其任也又  
王忠嗣傳開元廿九年以田仁琬充河東節度使  
是仁琬在安西一年卽遷河東而靈詔代之正當  
在蓋嘉運之後夫蒙靈詔之前史叙次偶倒其文  
耳新舊史皆云仁琬而碑但云名琬字正勤然以  
事攷之寔一人也

易州石刻道德經碑後題名作  
仁琬

唐莒公唐儉碑 正書無書撰人姓名 開元廿九年二月 此據金石錄書之

江寧侯貞友孝廉嘗以此碑索跋既書以歸之矣歲久忘之而余所得本殘闕過甚惟有云惟尉遲敬德頗諳事機公示之以安危告之以成敗似儉隋武周時事而敬德之降儉有力也又前有云封新成縣公尋改爲晉昌郡公史但言爲相國府記室晉昌郡公是畧也趙明誠趙子函皆言此碑行書而碑寔正書圓勁秀偉唐碑中不多見惜不得

金石跋

卷四

二五

書者姓名耳

唐夢真容碑 牛仙客奏 蘓靈芝之行書 開元廿

九年六月 文刻金石文鈔

一本作張九齡當從易州本作牛仙客蓋後人不知攷古但以喜九齡之名而易之而不知其晚九齡也碑立于開元廿九年明年改元天寶亦治亂升降一大端矣

唐雲陽觀桓尊師碑 行書 開元廿九年十月

碑殘闕無書撰人姓名而行書可觀其前題云大

唐潤州曲阿縣雲陽觀故監齋桓尊師碑文事雖無足採取而古今未有著於錄者中有云斯並載在碑陰布諸人口是碑尚有陰而余未得之

唐雲麾將軍李思訓碑 李邕撰并行書 無年月

碑題下有一行云族子海州刺史邕撰并書邕非宗室江夏李氏也但以同姓故稱族子今翻刻本易作唐刺史李邕書者謬也思訓武后時棄官變名十有六載其擢宗正卿也封真彤伯韋后三思時又出爲岐州刺史皆史所未詳又史云開元初

金石跋

卷四

二六

進彭國公加戶滿四百而碑封隴西郡公時已食邑三千戶其懸絕如此

唐金仙長公主碑 元宗御行書 徐嶠之撰

此據金石

錄書 無年月

碑行書而前御書二字八分書按公主傳太極元年金仙公主與玉真公主皆爲道士築觀京師以方士史崇元爲師觀始興詔崇元護作日萬人又裴灌傳睿宗造金仙玉真二觀時旱甚役不止灌上言春夏不可起土功召旱疫有如農桑失時戶

口流散雖寺觀營立能救饑寒做哉不報史言崇  
元事太平公主得出入禁中其人可知其事亦可  
知也良由唐閨門不肅公主驕逸擇配得婿尚非  
所願築觀宮外得以自由耳公主卒年卅有四史  
所失載也

09132

金石跋

卷四

二七

